

आंख्या रो काजल थारो,
होठा री लाली जी,
तो अईया की लटक ना,
पेल्या देखि भाली जी,
आंख्या रो काजल थारो,
होठा री लाली जी ॥

मोर मुकुट की थारे,
शोभा घनेरी जी,
तो केसर को टीको नख,
बेसर मतवाली जी,
आंख्या रो काजल थारो,
होठा री लाली जी ॥

काना में कुण्डल थारे,
गले में गलपटियो जी,
तो कुण्डल के निचे झूमे,
चम चम करती बाली जी,
आंख्या रो काजल थारो,
होठा री लाली जी ॥

हीरो और पन्ना जडियो,
हार जड़ाऊ जी,
तो कटी पर लटके लट,

नागण जैसी काली जी,
आँख्या रो काजल थारो,
होठा री लाली जी ॥

दुलरी तिलरी भी झूले,
बाजूबंद पूची जी,
तो फेंटो गुलनारी जापे,
झीनी झीनी जाली जी,
आँख्या रो काजल थारो,
होठा री लाली जी ॥

पिले पीताम्बर की या,
लहर अनूठी जी,
तो रुनक झुनक पग,
नूपुर नखराली जी,
आँख्या रो काजल थारो,
होठा री लाली जी ॥

श्याम बहादुर थारा,
शिव यश गावे जी,
तो उजड़ये दिला का दाता,
थे ही हो वनमाली जी,
आँख्या रो काजल थारो,
होठा री लाली जी ॥

आँख्या रो काजल थारो,
होठा री लाली जी,

तो अईया की लटक ना,
पेल्या देखि भाली जी,
आँख्या रो काजल थारो,
होठा री लाली जी ॥

स्वर संजू शर्मा जी ।

Source: <https://www.bharattemples.com/aankhya-ro-kajal-tharo-hontha-ri-lali-ji/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>